

Տնօրեն

 Սուրեն Բաղդասարյան

<< 23

> 09.11.2024թ.



**<<ԱԲՈՎՅԱՆԻ ՊԵՏԱԿԱՆ ԷՆԵՐԳԵՏԻԿԱԿԱՆ
ՔՈԼԵԶ>> ՊԵՏԱԿԱՆ ՈՉ**

**ԱՌԱՏՐԱՅԻՆ ԿԱԶՄԱԿԵՐՊՈՒԹՅԱՆ
ՈՒՍԱՆՈՂԱԿԱՆ ԽՈՐՀՐԴԻ**

ԿԱՆՈՆԱԴՐՈՒԹՅՈՒՆ

ՈՒՍԱՆՈՂԱԿԱՆ ԽՈՐՀՐԴԻ ԿԱՆՈՆԱԴՐՈՒԹՅՈՒՆ

Ա. Ընդհանուր դրույթներ

1. <<Արուվանի պետական էներգետիկական քոլեջ>>-ի ուսանողական խորհուրդը ուսանողական ինքնակառավարման ընտրովի ներկայացուցչական մարմին է:
2. Ուսանողական խորհրդի լիազորությունները և գործունեության կարգը սահմանվում է քոլեջի և սույն կանոնադրությամբ:
3. Ուսանողական խորհուրդը ապահովում է ուսանողության ինքնավարությունը քոլեջի ողջ ուսանողության շրջանում, արտահայտում և պաշտպանում է ուսանողության շահերը, նպաստում նրանց հասարակական, գիտական, ինտելեկտուալ, ստեղծագործական, մշակութային, բարոյական և հոգևոր զագացմանը, ստեղծում կապեր ՀՀ բուհերի, գիտական, կրթական և այլ կազմակերպությունների հետ:
4. Ուսանողական խորհուրդն ունի իր խորհրդանիշը, որի տեսքը հաստատվում է ուսանողական նիստի կողմից, անդամների ընդհանուր թվի 2/3-ով:
5. ՀՀ օրենսդրությամբ սահմանված կարգով ուսանողական խորհուրդը զբաղվում է օնլայն/օֆլայն հրատարակչական գործունեությամբ, կարող է հրապարակել օնլայն/օֆլայն ամսագրեր, պարբերականներ և այլն:
6. Քոլեջի ղեկավար մարմինների, նրանց ստորաբաժանումների, քոլեջում գործող, ինչպես նաև արտաքոլեջային գիտական, կրթական, մշակութային, հոգևոր, բարեգործական և այլ կազմակերպությունների, պետական մարմինների և ֆիզիկական անձանց հետ ուսանողական խորհուրդի հարաբերությունները կառուցվում է քոլեջի սույն կանոնադրության, կամ կնքված պայմանագրերի հիման վրա:
7. Ուսանողական խորհրդի կողմից կնքված պայմանագրերը ՀՀ օրենսդրությամբ սահմանված կարգով օրինական ուժ են ձեռք բերում քոլեջի տնօրենի կողմից վավերացվելուց և քոլեջի կնիքով կնքվելուց հետո:
8. Ուսանողական խորհուրդը մշակում և քոլեջի ղեկավար մարմիններին է ներկայացնում ուսանողական կյանքին և ուսումնակրթական գործընթացներին առնչվող հարցեր. տարբեր որոշումների նախագծեր և նպաստում դրանց ընդունմանն ու հետևողական իրականացմանը:

Բ. Ուսանողական խորհրդի կառուցվածքը, գործունեությունը

1. Ուսանողական խորհրդի անդամներն ընտրվում են հարցազրույցի միջոցով: Հարցազրույցի ժամանակ պարտադրվում է իմանալ սույն կանոնադրությունը և տրվում են որոշակի հարցեր՝ ինտելեկտուալ, ստեղծագործական և բարոյան բնույթի:

2. Ուսանողական խորհրդի նախագահ է ընտրվում քոլեջի ուսանողական խորհրդի անդամների համաձայնությամբ: Ուսանողական խորհրդի նախագահի պաշտոնական ժամկետի ավարտից հետո (ավարտելուց հետո) նախագահության լիազորությունները համարվում են ավարտված:
3. Ուսանողական խորհրդի անդամների իրավունքներն ու պարտականությունները սահմանվում են ուսանողական խորհրդի սույն կանոնակարգով:
4. Ուսանողական խորհրդի անդամի լիազորությունները կարող են վաղաժամկետ դադարեցվել հետևյալ դեպքում.
 - 4.1 Նախագահության որոշմամբ նիստերից, ժողովներից պարբերաբար բացակայության, կարգապահական խախտումների և քոլեջի կանոնադրությամբ սահմանված ուսանողի պարտականությունները չկատարման դեպքում:
 - 4.2 Ուղղված ուսանողական խորհրդի ղեկավարությանը՝ բանավոր դիմումի համաձայն:
5. Ուսանողական խորհրդի ղեկավար մարմինները և նրանց պարտականությունները.
 - 5.1 Նախագահ-Ձբաղվում է ուսանողական խորհրդի աշխատանքների ղեկավարությամբ, որոշումների վերջնական ընդունմամբ և ընդունված որոշումների ստորագրությամբ, տնօրինում ուսանողական խորհրդի ֆինանսական միջոցները:
 - 5.2 Փոխնախագահներ (կազմակերպչական և դաստիարակչության գծերով)- փոխարինում են նախագահին իր բացակայության ժամանակ, զբաղվում են կազմակերպչական և կարգապահական գործունեությամբ:
 - 5.3 Քարտուղար-զբաղվում է թղթաբանությամբ:
 - 5.4 Մշտական գործող կառուցվածքային հանձնաժողովներ.
 - 5.6 Միջոցառումների հանձնաժողով
 - 5.7 Մամուլ
 - 5.8 Ուսանողների իրավունքների պաշտպանության հանձնաժողով
 - 5.9 Ղեկավար Մարմին
6. Ուսանողական խորհրդի նիստերը հրավիրվում են ամիսը մեկ անգամ: Արտահերթ հրավիրվում են նախագահության որոշմամբ, նախագահի որոշմամբ կամ ուսանողական խորհրդի անդամների 1/3-ի պահանջով: Նիստերն անցակցնելու համար անհրաժեշտ է անդամների ընդհանուր թվի կեսից ավելի մասնակցությունը: Որոշումները ընդունվում են, եթե կողմ են քվեարկել ներկաների կեսից ավելին: Կանոնադրությունը և կանոնադրական

փոփոխությունները հաստատվում են անդամների ընդհանուր թվի առնվազն 2/3-ով:

7. Ուսանողական խորհրդի նիստերը՝

7.1 հաստատում է ուսանողական խորհրդի կանոնադրությունը և նրանում կատարում փոփոխություններ, որոնք այնուհետև հաստատվում են քոլեջի տնօրենի կողմից: Կանոնադրական փոփոխությունների մասին առաջարկությունները ուսանողական խորհրդի նիստի քննարկմանը ներկայացվում են նախագահության կողմից կամ ուսանողական խորհրդի 2/3-ի պահանջով:

7.2 Ընտրում է ուսանողական խորհրդի նախագահություն:

7.3 Հաստատում է ուսանողական խորհրդի գործունեության տարեկան աշխատանքային պլանը, ստորաբաժանումների և այլ կառուցվածքային մարմինների կանոնակարգերը ու աշխատակարգերը, քննարկում կանոնադրական վերահսկողության հետ կապված հարցեր:

7.4 Լսում և քննարկում է ուսանողական խորհրդի նախագահի, հանձնաժողովների, ուսանողական խորհրդի կառուցվածքային ստորաբաժանումների և մարմինների կողմից առաջադրված հարցերը և կազմում հաշվետվությունը:

7.5 Լսում է ֆինանսական գործունեության մասին հաշվետվությունները և հաստատում դրանք:

7.6 Հաստատում կամ չեղյալ է համարում ուսանողական խորհրդի անունից կնքված պայմանագրերն ու մյուս փաստաթղթերը, և սահմանված կարգով ներկայացնում քոլեջի տնօրենի վավերացմանը:

7.7 Եվ ծավալում է այլ գործունեություն:

8. Ուսանողական խորհրդի նիստերի միջև ընկած ժամանակահատվածում աշխատանքները կազմակերպում և ղեկավարում է ուսանողական խորհրդի Նախագահը, որն ընտրվում է ուսանողական խորհրդի կողմից բաց քվեարկությամբ: Նախագահն ընտրված է համարվում, եթե նրա օգտին քվեարկել են ուսանողական խորհրդի անդամների կեսից ավելին: Նախագահության մյուս անդամներն ընտրվում են նախագահի առաջարկով:

Գ. Ֆինանսական միջոցները և լուծարումը

1. Ուսանողական խորհուրդն անվճար օգտվում է քոլեջի տարածքային, գույքային միջոցներից և նյութատեխնիկական սպասարկումից: Նրա ֆինանսական միջոցները գոյանում են քոլեջի բյուջեից կամ արտաբյուջետային միջոցներից կատարվող տարեկան սահմանումներից, դրամաշնորհներից, նվիրատվություններից, հանգանակություններից, ինչպես


նան ՀՀ օրենսդրությամբ և քոլեջի կանոնադրությամբ չարգելվող այլ գործունեությունից:

2. Ուսանողական խորհուրդը չի կարող լուծարվել:

Դ. Ուսանողական խորհրդի պատվավոր նախագահ

1. Ուսանողական խորհրդի պատվավոր նախագահը անձ է, որը կապ է հաստատում ուսանողական խորհրդի/ուսանողության և քոլեջի վարչական մասի/դասախոսության միջև:
2. Ուսանողական խորհրդի պատվավոր նախագահ կարող է ընտրվել քոլեջի վարչական մասից/Ուսանողական խորհրդի կողմից առաջարկված թեկնածու՝ Ուսանողական խորհրդի 2/3-ի համաձայնությամբ:

Ուսանողական խորհրդի նախագահ՝



Գ. Գրիգորյան